

頤
道
堂
詩
選

頤道堂詩選卷十六

錢塘陳文述

將之白下畱別吳門

宦興蕭條欲放鷗
半生蹤跡滯江關
覓攜吳苑三秋月
去看金陵六代山

江上青山定若何
南朝花月未消磨
板橋雜記秦淮曲
應爲秋風弔女蘿

舞袖驚鴻冷袖鸞
不勞書札寄長干
年來花月關心事
都作煙雲過眼看

銀河影澹欲橫天
一夕吳中晚唱船
初向秣陵城下去
江東羈宦十三年

京口泝江入新開河

隔江秋樹有無間
沙柳蕭條未可攀
彩翠滿船天一碧
夕陽影裏過金山

自京口達龍潭

龍潭驛路水潌洄
曾爲

南巡御舫開
水色遠浮青
雀去山光屢見

翠華來

行宮曉樹環高閣

輦路秋花接古臺
此日臣民方望幸
橫汾擬唱上之回

句曲道中望茅山

茅山在句容東南四十五里
周一百五十里高三

十里初名句曲山以山形如已字象其形也秦時
茅盈弟兄三人得道於此更名茅山道書以爲華
陽第八洞天秦始皇東游駐此歎曰巡狩之樂莫
過於山海自今以往良爲常也乃改北垂爲良常
之山

絕頂宮庭間玉晨行人指點說
菲君夕陽凝望天如水一
縷華陽洞裏雲

歸去驪山事渺茫北垂猶識古良常
二千年後青山在遺
址何從弔始皇

鶴唳青天嶺百盤句容東去是金壇
一從貞白先生住滿
地松風六月寒

學佛何如且學仙羅姑華姥

兩峰名

亦前緣聽秋高館人如

玉歸隱青山已十年

謂略佩香女史

龍潭晚泊夜聞雨聲

遲遲帆影入秋痕小泊煙江暮色屯
遠水碧橫鷗外舫斷霞紅入雁邊村
鐘聲寂寞移青嶂樹色微茫指白門
記取蓬窗人不寐孤舟風雨夜黃昏

龍潭道中望攝山

不斷青山問野樵晚煙橫岫溼難消
西來雲氣初飛雨東下江聲正落潮
蕭寺松杉迷舊跡蔣陵碑碣失前朝
有人指點幽居勝一角棲霞入望遙

棲霞寺

行宮瞻禮恭紀

棲霞寺畔古

行宮

蹕路迴環翠靄中
佛境林巒清梵遠
仙山樓閣暮雲空
紫峰晚樹啼寒鵲
碧澗秋花響暗蟲

玉輦不來

金殿閉老僧閒話夕陽紅

雨中遊棲霞寺尋默公上人用江總遊棲霞寺韻

靈藥解攝生
嘉名溯昔肇
殿閣祕巖阿
鐘梵動林杪
幽曠儷句曲
明秀冠江表
微君耽泉石
孤扁一庵小
嶺爲千佛尊
泉豈一人少
艤舟面江滸
雲重暗清曉
上人古法度

僧紹

捨宅爲棲霞精舍請法度居之
色相滿月皎我來冒雨游野性狎猿鳥坐
玩六朝松古翠煙蘿曩言念江總持皈依謝矜矯重遊禮
宗鏡禪定息塵擾

奉陪頤道先生雨中遊棲霞寺用南唐李建勳韻

徐尚之
雲槎

眼中吳楚一江分冒雨登山過寺門
往蕤清游秋白下更番客路夜黃昏
重重巖樹環行殿巉巖墟煙帶遠村
徵士高風殘碣在碑陰兩字至今存
碑陰有唐高宗大書棲霞二字

幽居尋卓上人用劉長卿棲霞寺東峰尋明徵君故

宅韻

訪古求遺宅尋山冒雨從相將
過西澗復此下東峰蕭散

安禪榻莊嚴證佛容
小山八樹桂幽澗
六朝松花氣薰晨
衲泉聲咽午鐘
山深不知處雲外或相逢

白乳泉試茶亭用皇甫冉送陸鴻漸棲霞寺採茶韻
茆亭俯幽壑乳竇閣陰厓
猿徑紅籐接雞峰翠磴斜
樵歌引歸路僧磬落誰家
野飯聽春雨還來問茗花

彩虹明鏡

在三會殿之西向有流泉散漫無歸
乾隆二十二年始鑿爲池水從桃花澗下注池內依山結屋就
水爲亭疎闌亞紅明波影黛髯明聖湖邊風景

二十七年

翠華臨幸肇錫嘉名焉

清泉欲出山順下本水性鑿池甃渟泓聊以息奔競定慧
悟禪心彩虹映明鏡

六朝銀杏

銀杏二株在大殿前可六七抱高可十餘丈碧陰
深谷黃葉前朝齊梁物也其一結乳下垂若懸瓊
相傳食其子多壽

殿前兩銀杏傳自六朝種種者始何人樹老亦如夢結子
宜延年拾橡棲巖洞

唐碑

唐高祖改爲功德寺增置梵宇四十九所與山東
靈巖荊州玉泉天台國清稱四大叢林高宗改爲

隱君棲霞寺御製明隱君碑高正臣書御書寺額
於碑陰梁元帝陳江總碑今皆佚茲刻爲最壽矣
古碑勒唐年書法工玉箸風雨未剝蝕珍重石亭護惜未
攜槌墮拓此棲霞去

隋塏

隋文帝時詔送舍利天下凡八十三州分造石塏
蔣州棲霞寺其一也塏以白石爲之高數丈凡五
級前立二石佛像貌衣縷有顧愷之筆法

既讀唐代碑更訪隋時塏辛苦下蔣州知閱幾僧臘吾欲
觀舍利繞之禮三匝

千佛嶺

太始中明僧紹隱居於此與法度禪師講無量壽
佛經於是西巖石壁中夜放光現無量壽佛將鑿
巖爲像不果子仲璋爲臨沂令乃同禪師經始於
巖下鑿龕琢石爲無量壽佛像高可四丈左右鑿
觀音勢至像各出三丈大同六年龕頂復放光文
惠太子豫章文獻王竟陵文宣王田奐及江夏王
宋霍姬等依巖高下深廣就石爲像共成千佛
深山鑄石佛始者明仲璋後來孰相繼賢姬與名王劫灰
久飛盡佛壽無滄桑

紫峰閣坐雨

在中峰之麓西通無量殿峰傍有雲根泉

面山起高閣日夕對紫峰紫峰生紫煙隔斷青芙蓉坐久
溼衣袂細雨吹濛濛

白鹿泉上小憩

自紫峰閣循澗而上渡春雨橋卽白鹿泉舊傳山
中水涸居民逐白鹿至此得泉故名

龍獻亦爲池虎跑亦成沼何年白鹿來得此一泓皎山中
靈藥多吾欲尋仙草

玉冠峰

舊名紗帽峰乾隆丁丑

高宗純皇帝初幸江南和沈德潛詩得句云久聞攝山名
秀如玉而冠因易今名

鳥紗難免俗未必山靈羨茲山品絕高仙佛皆所戀

天語錫嘉名秀如玉而冠

萬松山房

在中峰之半山中多松此尤蒼翳天風夜起海潮
東來髣髴身在曲江亭上

西湖萬松嶺嶺上已無松不如憩此閒萬籟生天風髣髴
曲江亭八月秋濤雄

桃花澗上聽泉

桃花澗在東峰之右爲山水匯注處翠峽奔雷石
梁吼雪最爲鉅觀 離宮矗雲埋其半以爲輦道
老樹交翠壁壁上多古苔我來桃花澗不見桃花開惟聞

琴筑聲使我心徘徊

九株松

在西峰正臨德雲庵前翠雪灑空碧霞蔭谷坐玩
竟日令人輒憶齊梁時事

龍鱗屢長蛻蚪榦互出沒清籟無近音天風吹更歇太息
九株松曾挂六朝月

德雲庵試茗

幽篁繞屋間以喬松清陰彌望臨桃花澗奇石玲瓏
萬竅穿澗雨後澗水懸瀑而下清響泠泠自成
絲竹九株松正在其前誠西麓最勝處

竹雨秋影寒松風塵夢醒時間幽澗泉微妙靜可領記取

倦游還竹爐試春茗

禹碑

在幽居庵後明南通政楊時喬重刻岫嶠碑於此
高巖自天開峻絕不可攀來觀神禹碑如入岫嶠山欲拓
未能得石骨苔花斑

白雲先生祠

張怡字瑤星原名鹿徵應天人以廕襲錦衣衛千
戶國變後隱攝山自號白雲道者所著有古鏡庵
詩內外集茲地其所居也

龍戰正多事鴻飛早避羣還山臥松月聊以息塵氛何處
尋高躅山中空白雲

般若臺

沙門慧光建歙王寅乞名人書四十二章經刻於石壁故名

佛法入中土紀年始東漢四十二章經頗與儒理貫巍巍般若臺日星昭震旦

來賢亭訪徐鉉故宅

在寺東北常開茶肆以延賓侶宋迪詩云結交意在來賓者亦作來賓亭攝山志云徐常侍鉉無子其弟錯有後居金陵攝山前開茶肆有鉉錯誥敕甚多號徐十郎

南唐舊名德茲地有園池茶肆今何在遺亭猶可思試問

徐常侍何如江總持

天開巖是袁了凡參雲谷禪師處

在中峰右石壁奇峭中通一綫仄境森沉若天開
然雲谷名法會與了凡居士袁黃同里晚住棲霞
授黃以立命之學及功過格黃因此號了凡也所
言頗於世道人心有裨講學家持過高之論貶之
過矣

知命與改過各自有機緘遺書思善世參證在茲巖太息
陳無已何如袁了凡

疊浪崖

在西峰側層崖崿亂石錯之高低起伏如大海

潮汐波瀾萬疊厓下爲見山樓

高浪或連山茲山如疊浪前潮與後潮奔湧非一狀宦海
我驚心同車避層嶂

珍珠泉

泉纏纏出石間歷澗而下相傳游人拍手呼笑則
白珠點點上浮右爲般若臺

水氣不生雲細滴乳竇間譬彼一斛珠顆顆浮清圓別有
幽棲意還尋品外泉

醒石

二字六朝人所書刻在天開巖下

探幽逢法侶訪古溯徵君高臥青山下遺蹤在白雲六朝

人盡醉獨醒爾何人

明月臺

在玉冠峰前崇宇延霽廣庭酌秋三五佳夕應有

幔亭仙樂

何處無明月此間畱古臺臺高得月早橫遶碧雲開有約
中秋夜相攜數舉杯

春雨橋

自紫峰閣循澗而上爲春雨橋橋下卽白鹿泉

薄游屆深秋小憩春雨橋想見春雨來細共林花飄花開
倚重經坐聽聲瀟瀟

石梁精舍

中峰之脊曰石梁精舍在其下雨後泉流髣髴天
台雲瀑旁有玲峰池

山脊橫石梁精舍在其下飛泉挂碧峰白龍走山罅夢游
天台山匹練月中瀉

半山亭

祠山神靳尚卽楚大夫讒屈原者相傳受戒於法
度上人也

巫山禮神女吳郡肥春中傳聞上官氏亦作此山神離騷
最哀怨惆悵楚靈均

雨中不得登最高峰

迴環山徑溼雲封幽澗潺湲和古松平地近游吾亦慰不

須苦上最高峰

偕雲槎坐見山樓望疊浪崖作歌

青山畫屏白雲漲萬壑松濤湧層嶂亂鴉如塵木葉飛一片斷崖生疊浪乍疑急湔動江心又似怒潮生海上將起未起風蕭騷欲落不落波蕩漾夜星知有天船橫曉峰遙作石帆障流雲靜夜波濤聲枯篠絕壁蛟龍狀擊楫昔至皖伯國枕戈亦從楊僕將六波知山高峩峩境奇頗覺心神曠名場久遭磨蝎困宦途屢得麝裘謗風波豈合在平地覩此翻令心振蕩故鄉有人遲歸來小榜菰蒲聽漁唱

雲片石歌

似石非石雲容矧似雲非雲石骨斑非雲非石峭莫攀疑

雲疑石麗且閑青天浩蕩浮雲變長風吹起忽成片一片
中有一朶雲朝朝暮暮雲中君我招雲君爾石友不許行
雲向空走至今石氣含雲情靜夜尙作流雲聲高臥青山
碧天暮落木泠泠伴秋樹爲霖莫逐神龍去

攝山贈采藥者用太白集中嵩山采菖蒲者韻

巖花香雨髻林葉紅一肩古貌猿狄瘦野心麋鹿仙茲山
多靈藥永此松喬年眼見六朝事變滅隨荒煙會當跨鸞
鶴嘯傲凌芝田

初至金陵

十年煙水滯歸橈來訪青山弔六朝名士新亭誰縱酒美
人舊院解吹簫雲屯遠渚迷秋色葉落空江咽暮潮花月

滄桑多少事一樽閒話雨蕭蕭

鍾山道中

積翠鍾山路登臨感夢華野樵靈谷樹荒隴孝陵瓜斷澗
喧奔鹿空亭聚晚鴉南朝七十寺殘碣掩平沙

鍾山懷古

鍾山終古龍蟠地翠色飛來紫氣垂雙闕雲松孝陵衛六
朝寒雨蔣侯祠石城西峙規模在江水東流日夜悲多少
齊梁舊時寺更無人訪夕陽碑

孝陵長生鹿銀牌歌

孝陵雲黯萬株松葉葉冰霜樹樹龍更遣奚官羣仙鹿芝
田瑤艸護春茸劫火灰飛陵上土松旣爲薪鹿作脯銀牌

不逐玉魚沈流落人間泣風雨翠華玉輦侍昭儀正是銀
牌初鑄時一自金棺遺寶誌鼎湖雲氣鬱參差秣陵王氣
消沉易滄桑花月傷心事鹿走中原楚漢爭銀牌猶勒長
生字原廟衣冠幸未殘玉龜飛盡掖松寒

孝陵之建掘地得玉龜十其九

飛去僅存其一

唐陵漢寢知何限銀雁金鳧一例看

游靈谷寺禮誌公塔

不斷青山路松陰見佛龕巖花落古殿林雨響空潭野鹿
禪心定秋蓮淨業耽誌公遺蛻在孤塋禮層嵐

蔣陵湖上秋荷

隔林雉堞影嵯峨綠滿城陰水不波細雨疲驢人獨立蔣
陵湖上看秋荷

玉澗在鍾山蔣侯祠側

青山繞蔣祠橋影橫山綠秋澗白雲流淙淙響寒玉

青溪小姑娘祠

雉亭龍尾久荒蕪尚有叢祠祀小姑娘碧水未窺雙照影青山曾寫十眉圖雲衣花落春惆悵翠幔香銷夢有無靈雀笙篴俱寂寞六朝明月夜來孤

西浦是杜蘭香遇張碩處

新林花落影猶香仙跡風流水一方神女來時春綽約美人去後月昏黃桂旗翠羽思浮洛瑤瑟冰絃怨夢湘悵我年來謫塵世玉天舊事總淒涼

白門秋柳

煙柳萋萋白下門秋來蕭瑟不堪論金城宣武空遺種上

殿靈和失舊恩

宣武城靈和殿皆在白下

三月東風春似水六朝殘月

夢無痕惟餘一樹秦淮上嫋嫋宮腰易斷魂

承恩寺夜雨書示同人

暮雨蕭騷對古禪停雲蹤跡感茶煙同來雪北香南地閒

話吳頭楚尾天四壁新詩開雅集三條短燭感流年散花

小示維摩疾臨水登山或有緣

適以小恙乞免入關

寺僧餉瓢兒菜云舊內所種感賦一律

園官菜把偶相供老圃荒寒弔故宮虎踞龍蟠消王氣兔

葵燕麥動春風吳船餉客秋帆白

孫君蓮水曾載以相餉

仙館開尊

夜燭紅

舊有瓊媛仙館食瓢兒菜詩

回首滄桑前代事舊家何處問英

雄

開平王孫常延齡國變後
隱居湖孰種菜樊榭有詩

秣陵城南見新月

新月上簾鉤，纖纖挂兩頭。
涼生石城夜，影澹秣陵秋。
何處吹長笛，人家有畫樓。
水明殘夜白，歸夢託扁舟。

冶城山館夜坐聽雨

畫裏青山對六朝，翦燈坐聽雨瀟瀟。
夢回吳苑三更月，人去秦淮一夜潮。
半臂乍添憐影瘦，雙鬟何處易魂消。
高樓多少紅窗閉，隔斷青溪第幾橋。

同茗生雲槎遊莫愁湖

畫梁秋燕影欹斜，舊是城南少婦家。
涼雨滿湖人不見，鬱金堂外白蓮花。

看山更上勝棋樓一角煙巒指石頭花月滄桑水天碧英
雄兒女各千秋

勝棋樓

莫愁湖上畫樓橫賭墅風流憶舊京開國君王能將將傾
城佳麗說卿卿推枰莫問當年事打槳能移異代情帶礪
銷磨煙水在金堂花影尙分明

雞鳴寺望後湖

臺城北塹雞鳴寺傑閣憑虛快一登十廟繁華銷劫火六
朝花月澹禪燈松陰杳靄藏靈谷秋色蕭疎見秣陵一片
微波後湖水夕陽西下冷魚罾

雞鳴埭

銀河未斜月未落龍兒夜出壽昌閣瑤瑁帖箭媒翳騎如
夢青山抱西郭宮車駕時雞未鳴雞鳴早見宮車行宮人
曉粧起更早景陽夜半催鐘聲萬戶狂塵昏未起五彩斑
斑嬌雉子將軍空說邯鄲超諫書朝陳夕賜死聞雞起舞
河朔吞昔有祖逖同劉琨南北雲擾正逐鹿網羅惜未橫
中原琅邪肆武潮溝渡不數前朝潘岳賦寶卷家法立長
圍射雉場增三百處

江潭苑用李賀追賦畫江潭苑韻並效其體

別殿楚雲蒼鴉啼苑柳黃鐘聲宮月落騎影禁林長躡草
雕弓輭飄花翠鐙香從行不辭遠輦路識君王

舞袖越羅單花開水殿寒碧波牽荇帶錦石綴苔錢漢苑

當熊易秦城逐鹿難
夜天星厖厖燈火照歸鞍

舊夢玉鉤斜新聲玉樹花
雉場圍翠黛鳳吹壓紅牙
椒壁螢棲殿蒲塘雁唼沙
雕文照鬢影潭鏡湛清華

湘露溼芙蓉晨霞漾日紅
蘭纓靜盧鵲桂檝避魚龍
金海遺編燼青絲舊識空
玉遊殘趾在一杵動疎鐘

芳樂苑弔齊潘淑妃

吳苑春如夢齊宮夢裏春
雕廊遺響後又見步蓮人
弓彎與新月貼地總堪憐
試問朝朝樹何如步步蓮
射雉人何處蕭郎有舊家
至今芳樂苑楊柳尙飛花
閱武堂前柳年年鳥夜啼
美人能殉國不獨數青溪

臨春閣觀硯歌

薄游金陵於臺城遺址拾得斷甌文曰至德考南
史陳後主至德二年建臨春結綺望仙三閣則此
甌殆陳宮故物也曰臨春者以後主所居統於尊
也琢以爲硯卽以草停雲水榭秣陵集

壁月光寒瓊樹落一甌猶賸臨春閣隱囊坐占六朝春複
道縈紆人似玉桂宮第一好花枝人說臨春初建時臺上
貴嬪同侍讌宮中狎客共題詩隋師忽報橫江至羣鳥悲
鳴奈何帝六朝城闕盡犁平何況閣前方寸地零落秦淮
舊酒家摩挲如見後庭花紫鏡墨澹紅綃冷落日青溪弔
麗華

景陽井

齊宮曾起景陽樓陳宮復有景陽井十萬隋師捲地來一
夜君王去無影臨春深闕齊雲高君王何處歌董逃銅餅
輾轡杳不測此間避世難藏嬌不枉生平同穴誓井中之
人奈何帝可憐墮日抱兩星結綺望仙舊佳麗入井出井
元象知青溪劒血心傷悲六朝從此始結局石闌紅淚明
燕支刼灰消盡佛煙起猶賸銀牀暮煙紫當日惜無三尺
水君王妃子此中死

水西門訪賞心亭遺趾並弔張麗華墓

中橋遺趾水泠泠惆悵青溪一曲青結綺閣中吟窈窕紅
梁夢裏見娉婷景陽草長迷智井玉樹花殘弔後庭欲訪
麗華埋骨處更無人識賞心亭

陶谷青峰草堂訪松壺子不值

積翠蒼茫裏徵君舊結廬華陽此真逸學苑有遺書吾愛
松壺子今之陶隱居相思不相見雲臥問何如

隨園弔袁簡齋先生

秦淮水碧蔣山青大好名園近冶亭三閣綺羅爲眷屬六
朝煙月在林垞偶因觴詠成流寓儘有詩篇寫性靈我亦
蘇公隄畔客問君何不住西泠

十年江表枉驅馳曾未鷁鷁借一枝弔古偶經蕭帝寺看
山初拜蔣侯祠久從詞賦推前輩敢說文章替左司不廢
江河遺集在感君遭際誦君詩

嶽祠西院題簡齋先生像

嶽祠西畔古花宮人說桃源有路通名小久以詩名推水

部今從畫像識山公百年裙屐皈依後六代江山嘯傲中

我是詞壇後來者品題虛說李騰空駱佩香歸佩珊諸女士言余神似先生

隱仙庵

上界神仙足官府官府事繁仙亦苦不如棲遁向人間雲
臥林壑清且閑君不見陶通明松風聽罷聽吹笙華陽隱
居當署名遺宅猶傍茲山青又不見冷鐵脚尹蓬頭天上
亦是神仙流不棲碧落棲丹邱嘯傲明月天門秋齊梁之
梅宋之桂老物摩挲多古意隱耶仙耶兩不知倘遇陶公
應把臂我友松壺子隱居陶公谷青峰草堂傍山麓松下
茯苓大於屋我家西湖西巖壑饒雲煙隱者林君復仙之

人兮葛稚川
徑思歸買二頃田
面山結屋臨飛泉
枕琴醉藉松陰眠
門外閒泊鷓鴣船
翠屏幾疊白雲鎖
料理煙霞日孤坐
謂我隱逸也可謂我神仙也可

紅雪樓在雞籠山麓是蔣清容太史僑寓地

鍾山原是蔣家山
難得才人住此間
卜宅偶尋招隱館
攜家應度秣陵關
闌前花發迷香海
林外峰多擁翠鬟
聞道隨園結鄰住
絕勝張陸汝南灣

詩品藏園最老成
更將樂府寄閒情
纏綿每向燈前寫
慷慨多從酒畔生
雅調世傳王寶甫
新聲人唱柳耆卿
匆匆一曲臨川夢
玉茗堂空感舊盟

生平玉骨定清寒
賸得頭銜七品官
漢殿未能容賈誼
蘇

門何事誤秦觀詞臣去國心原苦宰相憐才事最難千古
畸人同此感離騷哀怨託芳蘭

五松園弔孫淵如先生

氣節文章海內宗東南人士許登龍一從鶴夢歸華表無
復鴻都論辟雍物望我思隨武子經神世重鄭司農草堂
近在青山下講舍猶聞說五松

春雨樓弔孫蓮水

幾番同翦西窗燭千里長通北郭書何意扁舟來白下更
無詞客重黃初花間側帽前緣在酒畔題襟舊夢虛愁絕
江南春雨夜年年爲爾感躊躇

乳山訪林古度故居

書臺畱處士吟社集遺民史事三朝熟遊蹤五嶽頻松雲
晨避客蘿月夜窺人何處幽居在茆茨古澗濱

翠微亭用林和靖韻

修徑入青嶂孤亭擁翠微嵐煙暗樵笠林雨溼僧衣蘿靜
蛩初響松閒鶴未歸登高望江練佳詠契元暉

南唐故宮遺址

東虹迢遞接西虹指點南唐說故宮儘有洞天橫壁錦更
餘亭榭罽羅紅金輿玩月殘山在玉殿移花舊夢空一樣
滄桑天水碧錢塘煙雨又濛濛

南唐昭惠后周娥皇懿陵

青山何處葬西施落葉哀蟬有所思名畫尙畱邀醉舞金
雲

門女史
有此圖
新聲誰譜恨來遲
宮人解寫金經字
帝子親書玉女碑
僥倖瑤光人早死
汴京不見入宮時

澄心堂弔黃保儀

蕙幄蘭堂詠月娥
澄心遺趾問如何
後庭班左才名重
前殿鍾王墨跡多
雲裏蓮花邀素月
邃邊梅樹擁紅羅
湘東劫火同灰燼
畱與宮詞寫衍波

南唐淨德尼院弔入道宮人殉國自焚處

奪珥瑤光事不平
魚山仙梵月華清
後庭寂寞辭金殿
故國滄桑感玉笙
白奈簪花悲此地
青蓮證果悟他生
空門劫火香消後
無數宮車向北行

青溪月夜聞笛

一片青溪月流紋蕩畫橈遙聲起哀怨秋夢自南朝窺影
白團扇隔煙紅板橋夜深風露下歸路最無聊

青溪聽雨

桃葉煙波夢未真樊川薄倖悔尋春
蘼牀禪閣瀟瀟夜身是南朝聽雨人

秋在闌干一曲前蔣山凝黛石城煙
翦燈初聽金陵雨身到江南已十年

秣陵月夜

一鏡南朝月流光照秣陵華林天似水
芳苑夜如冰長蘼高樓婦殘鐘古寺僧
興亡都寂寂影澹秋燈

徐妙錦墓

鳳詔曾聞却九重青蓮花下暫畱蹤高飛久已經來燕定
力真能制毒龍翠水瑤姬原絕世青天玉女自成峰賜瑩
西畔埋香塚應有孤鸞嘯古松

舊院

舊院青溪長板橋舊時楊柳舊時潮當風有樹生紅豆隔
水何人按紫簫蕩魄簾櫳仍北里銷魂花月在南朝不堪
二百年來事暮雨瀟瀟酒一瓢

眉樓

艤棹青溪水閣頭居人猶說舊眉樓春山何處窺明鏡新
月依然上玉鈎身世滄桑悲永逝閨房福慧悔雙修含光

同被虛聲誤皖水虞山一樣愁

謂河東君

白下遇琴河李曉潭

白下門前繫纜青溪閣畔停橈載取桃根歸去秦淮暮雨
瀟瀟

夢繞辛峰亭下人來丁字簾前話到可人步履石城往事
如煙

題姚雪門媚花簫歌後

序云簫爲錢塘倪敬堂家所藏紫竹爲之得之秦
淮古塚中署欸曰媚花蓋舊院諸人物也

羅裙都化彩雲飄一曲青溪舊板橋解與秦淮添本事埋
香塚裏媚花簫

紅闌水榭隔明霞新柳當窗比歲華風靜月明人不寐媚

花畢竟媚何花

石城遺事弔殘春桃葉煙江冷畫舫一樣南朝好明月吹簫無復舊時人

蔣家煙雨秣陵秋往事寒潮寂寞流唱煞東塘新樂府當年還有媚香樓

青溪水閣有懷女弟子玉霞

青溪明月白門花來訪秦淮舊酒家國色早憐人是玉新粧應識貌如霞近聞珠字題紅葉媿說金釵列絳紗惆悵扶風詩弟子微吟羅襪渺天涯

小住金陵延陵氏假我水榭主人玉微乞余題額爲書停雲水榭四字貽之並繫以詩卽贈玉微

平生宦跡感流蘊初向煙江倚夕曛記取昨宵曾聽雨
斲從此地詠停雲鏡中遠岫窺橫黛檻外微波蕩畫裙長板
橋西淮水北他年誰話杜司勳

秋夜青溪水榭玩月聽吹笛女子楚簫奏霓裳羽衣
曲因賦長歌贈之並書白香山霓裳羽衣詩後

霓裳羽衣曲據夢溪筆談葉法善引明皇入月宮
見素娥十餘人霓裳羽衣奏仙樂及上歸但記其
半遂於蓬中寫之會西涼府都督楊敬述進婆羅
門曲與其聲調相符遂以月中所聞爲散序用敬
述所進爲其腔名霓裳羽衣曲其說出鄭嵎津陽
門詩注又蒲州逍遙樓楯上有唐人橫書類梵字

相傳是霓裳譜字訓不通莫知是非或謂今燕部有獻仙音曲乃其遺聲然霓裳本謂之道調法曲今獻仙音乃小石調耳唐會要謂破陣樂赤白桃李花望瀛霓裳羽衣曲總名法曲今世所傳望瀛十二遍散序無拍曲終長引聲頗與霓裳相同按霓裳羽衣曲始於開元盛於天寶行於長慶故楊貴妃初入宮奏霓裳羽衣曲以導之白樂天侍宴憲皇得觀霓裳羽衣舞也及出守錢塘教妓女商玲瓏謝好陳寵沈平諸人爲之三度奏於虛白堂前移守蘇州乞舞人於元微之徵之爲作霓裳羽衣譜以寄然則徵之亦深於是曲也今就樂天寄

微之詩推之初奏散序六遍無拍奏而不舞所云
散序六奏未動衣陽臺宿雲慵不飛是也中序始
有拍亦名拍序則舞矣所云中序擘騁初入拍秋
竹竿裂春冰坼是也其服虹裳霞帔步搖銅環其
器磬簫箏笛篳篥篳篥笙其舞曲亦六遍蓋十二
遍而終所云繁音急節十二遍跳珠撼玉何鏗錚
是也凡樂將畢皆聲拍促速惟霓裳之末長引一
聲所云翔鸞舞了却收翅唳鶴曲終長引聲是也
楚鬢此曲云得自涼州人所傳音節多類普庵呪
或卽婆羅門曲遺意耶余曩在建威將軍宅聽邊
月華琵琶彈白翎雀又在吳門聽雲間俞秋圃彈

玉樹後庭花皆有詩紀事今遇良宵復聆雅奏恍
入廣寒宮闕親觀仙人垂手之舞何其幸耶爰作
歌以記之

廣寒夜色明秋玉白露無聲溼庭綠誰家長遂過行雲吹
出霓裳羽衣曲曲中音調最纏綿累累明珠顆顆圓當筵
試問何人製云是唐朝天寶年仙橋涼影窺珠戶新聲潛
聽清虛府虹裳霞帔步珊珊更有霓裳羽衣舞舞態嫵媚
我未知當年曾讀白家詩飛瓊萼綠互垂手迴雪生雲嬌
不支撼玉跳珠十二徧喚鶴翔鸞侍游讌名花自賞沉香
亭新聲誰譜長生殿何處傾城最擅名驪山宮殿月華清
六宮第一人如玉曾奏霓裳與定情延秋樓鵲驚宮樹馬

鬼錦韞埋何處梨園子弟散如煙霓裳流落人間去香山
昔日守杭州曾教霓裳按箏篴虛白堂前三度宴沈平謝
好自風流吳門移守聽官鼓一曲西樓聽吳語遠勞元九
寄書來綴得霓裳羽衣譜我家杭郡官姑蘇曾讀唐家新
舊書偶向尊前聞此曲酒闌重與感嗟吁嗚呼開元世界
稱全盛海內昇平天子聖西涼都督爾何人婆羅門引因
何進已作中興法曲聽如何遺譜盡飄零一編會要分明
在髣髴還應記望瀛問君此曲何從得涼州佳俠龜茲客
綠珠弟子最知名舞衣亦稱傾城色檻外煙波一曲橫蛾
眉曼睩感閒情曲終不改青山色明月西行尚有聲

停雲水榭同玉微夜話

嫋嫋湘煙罨暮雲晚山凝黛對含顰
揭來水軟山溫地親見花明雪豔人
洵有綠珠堪絕世可無碧玉解迴身
青溪影事憑誰記紅板橋西月一輪

秋夜青溪泛月書贈玉徽

斲移雙槳過簾櫳紅板橋西倚晚風
碧樹千家秋色裏畫樓兩岸月明中
微雲銀漢懷遙夜流水青溪話故宮
莫采蘋花感遲暮吹簫人是玉玲瓏

青溪懷古

淮水清流玉鍾山翠拂煙幾時開
九曲記取赤烏年卞公扶弱晉韋粲
翊衰梁戰血消磨盡山河半夕陽
劒血燕支染春風弔麗華美人能殉
國不怨後庭花

兔葵啼曉露燕麥動春風
六代匆匆盡無人說故宮
開國中山業規模煥麗譙
八流都塞盡一曲見南朝
微雨消芳屨香泥葬玉釵
傷心無限柳不獨爲秦淮

題秦淮畫舫錄

金迷紙醉感擲沙何處前塵記
夢華紅板畫橋名士舫青
溪水榭美人家銀箏舊譜翻
桃葉釧遂新聲唱李花翠冷
香消莫惆悵故園煙樹久啼鴉
牧之容易悟芳塵更有微之賦
會真鸚鵡樓臺尋短夢枇杷
門巷餞殘春山溫水軟無多地
月滿花芳有幾人唱到
方回斷腸句青衫紅袖各沾巾

十載江南感寂寥新詩題徧木蘭橈
廣陵明月蘭陵酒畫

閣銀燈水閣簫北里鶯花仍歷歷南朝煙雨又瀟瀟鬢絲
禪榻心情在未敢逢人問板橋

南部新書最擅場盧家少婦鬱金堂箏船夜月邀涼影
蓮步秋花弔冷香眉史自修驚蛺蝶心經誰懺野鴛鴦
匆匆小別秦淮去有約重來話夕陽

湘子有濟南之行攜酒鳳游寺餞飲用太白鳳凰臺
置酒韻

斜日下江郭攜酒登高臺臺上鳳所游登之心顏開鳳去
已千載吾輩還一來不見錦袍客江水從東迴君家海
禺山蒼翠如天台與君話疇昔勸君傾尊罍江月來照
人清輝漾餘杯太息六朝人輦路爲蒼苔君去吾亦逝
門外驪

歌僅

金陵夜雨讀李太白集書後

太白上裴長史書云白家居金陵世爲右族遭沮
渠蒙遜之亂奔流咸秦因官寓家觀此則太白固
當爲金陵人後爲供奉求還山乘舟至金陵有從
子僧中孚止高座寺白往依焉其登金陵冶城西
北謝公墩詩自注云此墩卽晉太傅謝安與右軍
王羲之同登超然有高世之志余將營園其上故
作是詩所云我來酌清波於此樹名園功成拂衣
去歸入武陵源是也按太白嘗自稱東山永王東
巡歌云若用東山謝安右爲君談笑靖胡沙其應

永王之招何異安石爲桓溫參軍新亭之役安石
幸而獲濟而太白不能得之永王致爲夜郎之流
未免爲謝公勲業所誤使早師逸少之棲遁不慕
安石之功名則冥鴻高蹈當更在晉宋諸賢上金
陵雲樹不更勝謝家青山耶因約其事以賦之

太白金陵人飽看金陵月謝公墩畔好青山思結園林臥
雲石當時竟作孤飛鴻掉頭長嘯煙霞空胡爲輕逐永王
去幾令老死蠻荒中右軍生平知者寡東歸築室稽山下
一樣東山雲臥人謝公亦是孤高者中興已付郭汾陽拂
衣更有賀知章鳳皇臺上鳳皇去白雲與爾同翱翔黃鶴
樓前春水碧玉鏡潭西月華白鳴臯之鶴陸渾花海內是

處堪爲家晨登瓦官閣夜泛新林浦江山寥落二千年眼
中之人吾與汝雁聲昨夜江上來山中木落秋風哀今人
猶見古時月素舸錦袍安在哉我誦太白詩長歌擊銅斗
蓬池隱者落星石勸爾仙人一杯酒金陵勝地數冶城我
來思買青山耕因君往事憶王謝各有超然高世情

長干行效太白

君家在何處妾住在長干長干好相識綠水明朱闌朱闌
十二曲曲曲莓苔綠比翼雙鴛鴦微波澹秋玉君昔下揚
州揚州好畫樓娥娥紅粉女雙槳木蘭舟君今去巴陵巴
陵接洞庭洞庭秋水濶楚雨夢飄零雨絲吹白露君向何
方渡妾夢在高樓明鏡當窗曙梧桐金井闌夢醒啼鳥處

西風昨夜來紅却簷前樹落葉不知愁吹滿長干路

落星岡是太白遇蓬池隱者脫紫綺裘換酒處

白雲映水衆星沒江風浩浩吹綠髮紫裘素舸謫仙人金
陵城南踏秋月秋月照影何團團美人消息青雲端今宵
月如白玉鏡昨宵月如白玉盤玉鏡盈盈落我手玉盤爛
爛將進酒西來青鳥啼繁霜落盡絲絲白門柳玉琴蕩漾
江聲秋金尊灑落江波流蘭陵美酒三百斛對此可以消
煩憂蓬池隱者此何客醉臥江頭落星石雲愁海思一千
年湛湛長庚映天碧

鳳皇臺和太白

元康曾記鳳皇至

漢元康元年鳳皇集泰山後人因其地爲臺余登岱曾至其地

元嘉又

見鳳皇來白門已改鳳皇里青山更起鳳皇臺六朝江聲
走浩蕩雙闕雲氣森崔巍搔首青天喚驚驚謫仙長嘯真
奇才

擬建太白樓於鳳皇臺詩以志事

不賦黃鶴樓來登鳳皇臺鳳皇一去不復回宮錦紫裘安
在哉我來訪古高臺下晉闕吳宮半殘瓦浮雲蔽日深復
深我亦登臺賦詩者金陵城西華月流天津橋南空酒樓
三山二水至今在思君不見心悠悠君昔宴集虎邱山蘭
亭一序畱人寰有人招飲醉仙舫置君綠水青山間
孫淵
祭建醉仙舫於虎邱孫子祠右
並書太白序文於壁未及建祠北湖梅花白門柳一尊重
酌高臺酒何人解祀謫仙來江山萬古詩千首

中秋夜同玉徽水榭玩月

年今夕又中秋闌檻虛明水上樓小坐靜宜燈影暗微
波涼帶月華流安排別緒成新夢料理相思入遠愁我是
姑蘇臺畔客五湖何日共扁舟

秦淮水榭紀事用邵夢餘秦淮憶舊詩韻

嚮向秦淮作雅游蔣州風景似蘇州家家綠柱門前舫處
處紅闌水上樓捲幔清波俱照影隔簾明鏡看梳頭石城
西去青山在往事難忘有莫愁

縠紋微皺晚潮平一抹輕煙細雨晴花暗幾家銀燭影風
迴兩岸玉簫聲青溪閣畔尋遺宅紅板橋邊問小名我是
西泠舊詞客秣陵初泛畫船行

眉樓何處認橫波
丁字簾前子夜歌
知己也同魚得水
相思誰解鵲填河
渡頭桃葉畱春淺
檻外垂楊蘸影多
欲與攀條悵憔悴
年來我亦感婆娑

遠山凝黛夜無煙
獨客琴尊兩槩船
風樹秋聲微著水
月華涼影欲浮天
誰家賭酒工諧笑
是處徵歌有管絃
寄語秋娘應早嫁
莫耽行樂誤芳年

附錄

邵無恙
夢餘

錫簫酒旆記清游
第一難忘是蔣州
桃葉輕波曾喚渡
杏花疎雨共憑樓
微詞放艇迷瓜步
遠夢迴潮打石頭
漫和莫愁新樂府
春湖載滿美人愁

高樹陰移晚漲平
低飛乳燕雨初晴
半簾水榭交花氣

雙槩燈船過，蓬聲香國羣。芳才士譜梨園小，部麗人名
一從醉看霓裳影，紈扇何時踏月行。

金風乍拂水，增波秋入青溪子。夜歌六代江山，雷壁月
十重樓閣，拂銀河步迴，邀笛寒蕪滿街冷。沉香墜葉多
惆悵吳娘移舫後，倚門殘柳最婆娑。

霜滿臺城合，野煙寒潮空。送秣陵船，廢宮柏葉啼烏夜
深院梅花煮雪天。繡帽隱囊工避酒，翠裾暖袖試調絃。
悲誰重唱江南好，夢雨疑雲二十年。

勞勞亭

黯然魂銷者，惟別而已矣。行行重行行，千里復萬里。驪駒
南邁雁北征，送別自古難爲情。柳綰旗亭花滿路，此地猶

傳送別處送別何勞勞落日浮雲騎羅裙紅粉燕趙妾寶
劍白馬幽并豪古來送別凡幾輩此地猶留一亭在花殘
月缺水東流空有春山碧於黛我欲山鏹林巒亭去桺喚
取石尤迴舶趨不然車輪生四角

將歸吳門畱別玉徽

金陵牖畔問蛾眉親見臨風玉一枝久識采鸞能爲韻因
尋史鳳與題詩流連白紵停箏地惆悵紅羅撼遠時欲去
不成畱不得煙波無際是相思

畱別金陵

又是孤帆欲別時白門楊柳碧絲絲聽箏池館都宜畫遊
筩簾櫳盡入詩卜宅也思三載住看山已悔十年遲重來

更與煙波約一曲青溪問總持

夜泊水西門玩月用太白金陵城西樓月下吟韻

金陵城下扁舟發玉筵誰家響清越船頭露下溼秋衣獨
看金陵城上月臨水登山我欲歸眼中已覺故人稀五更
夢醒櫓聲動起看江月墮斜暉

雨夜泊燕子磯有懷玉微

枕函殘夢擁青綾蓬背瀟瀟響漸增憶我江船眠聽雨知
卿水閣坐挑鐙暗潮自向深宵長華月難忘昨夜澄回首
水西門畔路好山多處是金陵

燕子磯登觀音閣望江同雲槎作

天風吹袂倚危闌暮色蒼然落照寒千里風濤歸大海萬

重蒼翠擁層巒無窮興廢憑誰管如此江山共爾看長嘯
拂衣吾欲去催人帆影在河干

同作

徐尚之 雲槎

千尋翠壁起紅闌同倚危樓話晚寒繞郭尚多殘洞壑
隔江無數好煙巒偶攜尊酒沈吟賦儘有孤舟指點看
西望秣陵何處是舊游花月憶長干

坐永濟寺石壁下

夕陽下平臯晚鐘聲欲起山僧一事無閒拾杪樵子

老僧去已久尙餘枯木堂

謂默然

天風動林杪靜聞叢桂香

流覽亦前緣登臨皆過客來日更相尋題名畱石壁
人語隔林響寺門知未扃晚鴉歸不盡飛上

御碑亭

夜登幕府山玩月

天風吹上最高臺，霽景宵澄萬象開。
海樹星隨河影轉，江樓潮湧月華來。
側身吳苑雲千疊，回首金陵翠幾堆。
多少南朝遺跡在，夜深零露下蒼苔。

秋夜泊棲霞山下有懷松壺子

棲霞山色暮雲邊，波靜風涼斂泊船。
碧落星辰秋漢外，翠微煙樹夜鐘前。
僧寮殘雨迷前夢，佛閣疎鐙證古禪。
憶爾羈懷袁浦上，盈盈一樣月華圓。

棲霞道中夢登最高峰玩月得山中夜靜聞仙樂二語因足成之

不數揚州月二分碧天如水澹華雲山中夜靜聞仙樂江
上秋空見彩雲高詠我懷明處士朗吟誰繼謝將軍夢魂
遙指金陵樹一曲新歌白練裙

月夜渡江至京口書寄玉微

銀漢西流珠斗斜匆匆驛路別棲霞秋橫鐵甕潮初上夜
過金山月正華羈客閒情紫峰雨孤舟殘夢白門花歸帆
載滿新愁去何處題詩寄謝家

京口夜泊口號

夜山煙澹遠秋影漢橫斜岸樹鳴風葉江城浸月華
人遠秣陵花江空瓜步雨風起夜潮來菰蒲自相語

京口懷嚴麗生

玉竦荷香憶舊游城南燈火昔勾留君仍別館棲黃鶴我
已閒情狎白鷗松樹影斜寒谷晚蘋花香澹暮江秋戴公
山下煙波宅期爾南歸買釣舟

得玉徽金陵書

知爾纏綿意最真天涯書札寄悲辛每從折柳題橋處便
憶牽蘿補屋人驛路梅花遲雁羽煙江桃葉話魚鱗爲伊
重作青溪夢結習難忘是夙因

松壺爲余寫停雲水榭畫卷因題二首

青溪流水接秦淮畫閣紅闌夾岸開翠鳥靜臨粧鏡立白
鷗閒傍酒船來屏間燭暗花雙影樓外山濃翠一堆中有
行雲暫停處六朝煙月夢徘徊

吳娘水榭記曾居惆悵停雲跡未疎秋舫鳴箏柔櫓遠夜
窗邀遂畫簾虛評花舊有題襟感罷酒難忘落葉初便欲
移家石城住卷中風景問何如

憶金陵四首

我憶金陵好南朝有故宮斷垣羈燕語廢殿溼螢空城闕
秋雲外樓臺暮雨中玉鈎斜畔路誰弔落花紅

故宮

我憶金陵好秦淮早晚潮桃花新笑靨楊柳舊纖腰細雨
青楊巷春衣皂莢橋吳娘閒水閣坐聽雨瀟瀟

舊院

我憶金陵好城南舊酒壚野花工媚客林鳥勸提壺舊樹
啼鶉鳩新聲唱鷓鴣白門何處是楊柳解藏烏

酒壚

我憶金陵好青溪有畫船遂遲秋水上海轉夜燈前蕩月

邀新霽浮花入暝煙紅橋雙槳路惆悵說芳年畫船

與友人話秦淮舊事有感而作

何處新聲唱鷓鴣微波秋冷玉娘湖煙霞林壑尋羅姥山名
在句冰雪肌膚憶藐姑橫壁花垂燈影暗隔簾雲散月輪
孤離悰祇在青溪上紅板橋西舊酒壚

長廊風葉落無聲題到雲藍百感生花裏十眉環捧硯酒
邊雙髻坐吹笙烏絲解寫初唐格紅袖能知小宋名誰署
碧城詩弟子芙蓉江上泥秋英

離騷四壁儘談禪臨水家家指蕙櫨鷗鳥掠煙孤舫外鯛
魚吹雪畫闌前詞場青舊張三影樂府嬋娟鮑四絃秋士
春人俱失意莫憑筇語話流年

紅樓消息總娉婷九曲迴廊六曲屏儘有香爐閒睡鴨偶
看團扇墮流螢空廊鸚鵡和煙語水榭琵琶帶雨聽話到
停雲舊蹤跡謝娘樓外蔣山青

頤道堂詩選卷十六